



21.11.2025

Eanasadji 890-401-111-1, GEAVONJÁRGA
Kiinteistö Oy Kevo, [REDACTED]

ČUJUHEAPMI

**Mearrádus, LAPELY, sierraráddjen, davvediehppesámil, Geavonjárga (Kevonniemi),
eanasadji 111:1, giddodatdovddaldat 890-401-111-1, Ohcejohka**

BÁIKI

Geavonjárga, erenomážit suodjaluvvon šlája ráddjenguovlu

Gielda: Ohcejohka

Eanasadji: 890-401-111-1 GEAVONJÁRGA
[REDACTED]

DUOGÁŠ

Ohcejoga Geavonjárgga guovllus, Geavu dutkanstašuvnna smávva
sátkko čáhcegáddesteallis, giddodagas 890-401-111-1
Geavonjárga, lea luonddugáhttema dáfus mávssolaš
luonddubáiki, gos šaddá earenomáš áitatvuloš sámelšládja,
davvediehppesámil (pohjannuijasammal, *Meesia hexasticka*).
Álgoálggus šládja gávdnojuvvui juo 1960-logus. Šlája dilli lea
kártejuvvon dán báikkis dárkileappot jagis 2014 ja dat lea
dárkkistuvvon maiddái čakčat jagis 2025.

Lappi Ealáhus-, johtolat- ja birasguovddáš lea álggahan
erenomážit suodjaluvvon šlája ráddjenmearrádusa
válmmaštallama ja lea sádden dieđáhusa giddodaga
oamasteaddjái 25.8.2025.

GUOVLLU GOVVÁDUS

Davvediehppesámil gullá lastasámmáliidda. Dat gávdno
ovddemusas jávrriid ja jogaid gáttiin, maidda dulvečáhci beassá
váikkuhit. Šlája gávnnusbáiki Geavonjárggas lea riikkaviidosáččat
mearkkašahtti, dasgo gávdnoštupmi lea viiddis ja ealas. Guovllus
šládja šaddá čáhcegáddesteallis, juova ja sieđgasuovkka gaskasaš
sullii 3 mehtera govda avádagas, masa dulvečáhci beassá
váikkuhit. Dál šlája diehtit gávdnot riikkasteamet logi

21.10.2025

luonddubáikkis. Suomas šládja gávdno Gaska- ja Davvi-Sámis. Geavonjárgga sierraráddjenguovllu sturrodat lea 0,079 hektára. Dasa gullá sihke šlája gávdnonguovlu ja dasa heivvolaš eallinbirrasa eatnanviidodat.

GULLAN

Lappi EJB-guovddáš lea gullan giddodatoamasteaddji hálldahuslága (434/2003) 34 § mielde 9.10.2025 beaiváduvvon reivviin. Kiinteistö Oy Kevo ii doaimmahan cealkámuša Lappi EJB-guovddážii.

ÁŠŠIS ADDON CEALKÁMUŠAT

Lappi ealáhus-, johtolat- ja birasguovddáš bivddii sierraráddjenáššis cealkámuša Ohcejoga gielddas 9.10.2025 beaiváduvvon reivviin. Ohcejoga gielda lea gieđahallan ášši gielddaráđđehusa čoahkkimis 10.11.2025 ja addán áššis cealkámuša dan beaivve. Ráddjejuvvon guovlu, mii cealkámušas ovdanbuktojuvvo, ii Ohcejoga gieldda oaidninsajis váikkut gieldda vándardanmáđijaide, johtimii dahje eará eanageavaheapmái guovllus.

Lappi ealáhus-, johtolat ja birasguovddáš bivddii 10.10.2025 beaiváduvvon reivviin Sámedikkis cealkámuša das, ahte leago lohpeohcamušas ovdanbuktojuvvon doaimmain stuorát go uhcánaš raššudahtti váikkuhus sápmelaččaid ovdehusaide bargat Sámediggelágas (947/1995) 4 §:s čujuhuvvon árbevirolaš ealáhusaiguin dahje muđuid sihkkarastit ja ovddidit kultuvrras, go lea sáhka sierraráddjemis. Sámediggi lea addán áššis cealkámuša 29.10.2025 ja Sámediggi oaivvilda, ahte ráddjemis ii leat stuorát go uhcánaš raššudahtti váikkuhus sápmelaččaid ovdehusaide bargat lágas meroštallojuvvon árbevirolaš ealáhusaiguin dahje kultuvrrain, go ráddjejuvvon eatnanviidodaga sajádat ja sturrodat váldojuvvo vuhtii. Sámediggi cuigii vuhtiiváldit bálgosa oainnu áššái.

Lappi ealáhus-, johtolat ja birasguovddáš bivddii cealkámuša sierraráddjenáššái Gáldooaivvi bálgosis ja oaččui bálgosa boazoisidis vástádusa 13.11.2025 šleađgapoastta bokte. Gáldooaivvi bálggus doarju sierraráddjenguovllu ja guovllu suodjaleami. Bálgosis ii leat dán guovllus giđđaguohhtun.

21.10.2025

LAPPI EALÁHUS-, JOHTOLAT JA BIRASGUOVDDÁŽA MEARRÁDUS

Ráddjenášši giedahallamis heivehit luonddusuodjalanlága (9/2023), mii lea bohtán fápmui 1.6.2023, ja luonddusuodjalanláhkaásahusa (1066/2023), mii lea bohtán fápmui 14.12.2023.

Luonddusuodjalanlága 77 § 1 momeanttas ja luonddusuodjalanláhkaásahusa 8 §:s ja čuvvosis 6 oaivvilduvvon erenomážit suodjaluvvon šlájaid ceavzimii mearkkašahti gávdnonbáikki rájât meroštallojit dán suodjalanmearrádusas dan láhkai go dat leat merkejuvvon čuovuskártii.

Luonddusuodjalanlága 77 § 2 momeantta vuodul čuovuskártii merkejuvvon gávdnonbáikki duššadeapmi dahje raššudeapmi lea gildojuvvon.

Lappi ealáhus- johtolat- ja birasguovddáš oaivvilda, ahte ee. čuovvovaš doaimmat sáhttet duššadit dahje raššudit gávdnonbáikki:

- muorračuohppan ráddjejuvvon guovllus
- geainnuid, bálgáid, ráhkkanusaid dahje huksehusaid huksen ráddjejuvvon guovllus
- eana- dahje baktevuodu vahágahttin ja eatnama dahje baktevuodu váldin dahje čobmen
- goivvohagaid roggan dahje eará čáhcedoalu rievdadeapmi

Erenomážit suodjaluvvon šlája gávdnonsadji sáhtta áittarduvt eatnaneaggáda miehtamiin dan láhkai go Lappi EJB-guovddáš dohkkeha.

ÁKKASTALLAMAT

Luonddusuodjalanlága 77 § mielde šládja, man várra jávkat luonddus lea unnimustá hui stuoris, dahje šládja, mas leat hui unnán gávdnonbáikkid ja daid seailun lea áitojuvvon, sáhtta láhkaásahusain ásahuvvot erenomážit suodjaluvvon šládjan. Erenomážit suodjaluvvon šlája gávdnonbáikki duššadeapmi dahje raššudeapmi lea gildojuvvon. Ovdalis máinnašuvvon gielddus bohtá fápmui, go ealáhus-, johtolat ja birasguovddáš lea mearrádusainis meroštallan erenomážit suodjaluvvon šlája gávdnonbáikki rájaid ja addán mearrádusa diehtun guovllu oamasteaddjiide ja hálddašeaddjiide.

21.10.2025

Geavonjárggas lea luonddusuodjalanlága 77 § vuodul erenomáš ja hohpolaš suodjalusa vuollái klassifiserejuvvon davvediehppesámmála mearkkašahhti gávnnusbáiki. Dasgo šládja lea sakka áitojuvvon, buot davvediehppesámmála šaddansajit leat dehálaččat šlája seailumii Suomas. Šládja lea riikkaidgaskasaš IUCN-klassifiserema mielde erenomáš áitatvuloš (CR). Dasa lassin šládja lea klassifiserejuvvon erenomáš (LSA/2023/1066 Čuovus 6) ja hohpolaš suodjalusa vuollái (SYKE 2020). Oaivvilduvvo, ahte oiddolaš suodjalandássi lea dál bisttiheapme ja sierraráddjenmearrádus ná dorvasta guovllu seailuma ja šlája eallinvejolašvuodaid.

Ráddjenplánemis leat čuvvon earenomážit suodjaluvvon šlája gávnnusbáikkiid ja vuhtiiváldán šládji heivvolaš eallinbirrasa. Ráddjema viidodat lea 0,079 ha.

Luonddusuodjalanlágas stáhta buhtadusgeatnegasvuodas, mii guoská earenomážit suodjaluvvon šlája ja suodjaluvvon luonddutiippa ráddjemiid, lea ásahuvvon luonddusuodjalanlága 111 ja 113 §:s. Jus luonddusuodjalanlága 77 § vuodul dahkkon mearrádus dagaha giddodaga oamasteaddjái dahje sierravuoigatvuodá hálddašeaddjái vahága, lea sus vuoigatvuodta oažžut stáhtas dievas buhtadusa. 111 § mielde buhtadusgeatnegasvuodta ii šatta ovdal go oamasteaddji lea 83 § vuodul ohcan lobi spiehkastit gildosis ja ohcamuš lea hilgojuvvon. Jus lea čielggas, ahte lobi miediheapmái eai leat ovdehusat, doaimmahus buhtadusa mearrideamis sáhtta biddjot johtui lobi ohcama haga. Jus buhtadusas ii sáhte soahpat, eatnaneaiggát sáhtta ohcat buhtadusa meroštallamii doaimmahusa Eanamihtidanlágádusas.

HEIVEHUVVON LÁHKAČUOGGÁT

Máinnašuvvon ákkastallamiin.

21.10.2025

MEARRÁDUSAS GULAHEAPMI JA RÁFÁIDAHTTIMA MERKEN GITTAOPMODATREGISTTARII

Dát mearrádus gulahuvvo Lappi EJB-guovddáša neahttasiiddus luonddusuodjalanlága 121 § 1 momeantta ja hálldahuslága 62 a § vuodul. Bivdo, ahte Ohcejoga gielda addá dieđáhusa gulahasas gieldalága (410/2015) 108 § mielde. Mearrádus merkejuvvo gittaopmodatregistarii.

NUPPÁSTUSOHCAN Dát mearrádus lea luonddusuodjalanlága 77 § 3 momeantta vuodul fámus nuppástusohcamis fuolakeahtta, earetgo dalle jus Davvi-Suoma hálldahusriekti mearrida nuppe láhkai. Dán mearrádussii sáhtta ohcat nuppástusa nu, ahte váidá Davvi-Suoma hálldahusriektái. Váiddačujuhushus lea čuovusin.

Lassedieđuid addá allagohcci Merja Lipponen (merja.lipponen@ely-keskus.fi, t. 0295 037427), várreolmmožin lea ovttatjodiheddji Jari Pasanen (jari.pasanen@ely-keskus.fi, t. 0295 037476).

Dát áššebábir lea dohkkehuvvon doaimmahaga elektrovnnalaš áššehálldašanvuogádagas. Ášši lea ovdanbuktán allagohcci Merja Lipponen ja čavdán ovttatjodiheddji Jari Pasanen.

Čuvvosat Ráddjenguovlokárta
Váiddačujuhushus

Juohkin Eanaoamasteaddjit (vuostáiváldinduođaštusas)

Diehtunaddin

Ohcejoga gielda
Sámediggi
Gáldooaivvi bálggus
Suoma luonddugáhttenlihttu, Lappi bire

Diehtun Birasministeriija
Suoma birasguovddáš
Eanamihtidanlágádus

21.10.2025

Suoma vuovdeguovddáš
Lappi lihttu
Lappi boleslágádus

Čuovus



Liite 1. LAPELY/3333/2025



Elinkeino-, liikenne- ja
ympäristökeskus

Davvediehppesámmála (pohjannuijasammal) sierraráddjenguovlu lea ovdanbuktojuvvon kártagovas ruonáin.

Tämä asiakirja LAPELY/3333/2025 on hyväksytty sähköisesti / Detta dokument LAPELY/3333/2025 har godkänts elektroniskt

Esittelijä Lipponen Merja 21.11.2025 14:47

Ratkaisija Pasanen Jari 21.11.2025 14:42